



Ngā āwhina me ngā utu waiwai

Ka taea pea e Te Hiranga Tangata koe te āwhina, ahakoa kei te mahi koe

Mēnā kāore e taea e koe te mahi i tēnei wā, kua kore tō mahi, kua iti iho rānei ō haora mahi

- Ka taea pea e koe te whiwhi takuhe, ētahi atu āwhina pūtea rānei mai i a mātau.
- Mēnā kei te uaua tō utu i tō rēti, ō nama rānei, ka taea pea e koe te whiwhi āwhina – ahakoa kei te mahi tonu koe, he iti rānei ō moni whiwhi.
- Ka taea anō e mātau koe te āwhina ki te kimi mahi, whakangungu rānei me te āwhina me ngā utu o te tīmata i tētahi mahi hou.

Mēnā kei te māuiui koe, me whakatā rānei mai i te mahi nā te KOWHEORI-19

Mēnā kei te aromatawaitia koe mō te KOWHEORI-19, he mea nui kia noho koe ki te kāinga kia hoki rā anō mai ō otinga. Mēnā kāore e taea e koe te mahi mai i te kāinga, ka taea pea e tō kaituku mahi te tono mō te Utunga Whakamatuatanga Wā-Poto hei āwhina i a ia ki te utu i a koe.

Mēnā kua kōrerohia koe kia noho taratahi i te mea kua pā mai te KOWHEORI-19 ki a koe, ki tētahi atu rānei i pā tata atu koe, ā, kāore e taea e koe te mahi mai i te kāinga, ka taea pea e koe te tono mō te **Kaupapa Tautoko Whakamatuatanga** hei āwhina ki te utu haere tonu i a koe.

Me kōrero ki tō kaituku mahi mō ngā āwhina e wātea ana kia whiwhi utu tonu koe. Mēnā kei te **mahi ā-kiri** koe, ā, tē taea te mahi mai i te kāinga, ka taea anō e koe te tono mō ēnei utunga.

Mēnā kei te hiahia āwhina koe me ngā utu waiwai

E ai ki tō āhuatanga, he maha atu anō ngā ara ka taea e mātau koutou ko tō whānau te āwhina. Ehara i te mea me whiwhi takuhe koe kia āhei ai koe ki ngā āwhina, e wātea anō ki te hunga he iti te moni whiwhi. Ka taea e mātau te āwhina me ēnei:



kai



ngā utu noho
(rēti, mōkete, nohoanga)



ngā nama hiko,
kapuni me te wai,
whakamahana rānei



ngā utu hauora
me te hauora niho

Rapu kōrero atu anō

Ahakoa ki tōu whakaaro kāore koe i te āhei atu, me waea mai ki te kōrero mō tōu āhuatanga.

Ka taea anō e koe te haere ki [workandincome.govt.nz](https://www.workandincome.govt.nz) ka pāwhiri ki **Check what you might get**.

Mō ētahi atu kōrero



Haere ki [workandincome.govt.nz](https://www.workandincome.govt.nz)



Waea mai ki **0800 559 009**,
7am ki te 6pm Mane ki te Paraire me te 8am ki te 1pm, Rāhoroi.

